

涵芬樓古今文鈔

呂景端
書藏

詞林典故今文鈔

卷之三

涵芬樓古今文鈔卷二十九目錄

奏議類

疏上五

議封禪巡狩疏 任辰旦

陳奏廣東緝盜安民疏 湯右曾

綏定苗疆方略疏 楊名時

請定屬員調補差遣之例疏 沈近思

論開言路疏 謝濟世

二慾三思疏 陳其凝

三習一弊疏 孫嘉淦

辦理耗羨疏 孫嘉淦

請開酒禁疏 孫嘉淦

請耗羨不歸公疏留保

請休養旗人疏留保

陳山東州縣被參緣由疏留保

裁抑相臣親族以昭示平均聖治疏 劉統勳

劾左都御史彭維新疏王峻

請繕進經史以資聖治疏 畢誼

請分別賢能疏曹一士

請寬比附奸言之獄兼挾仇誣告詩文以息惡習疏曹一士

請釐定四書朱子本義以正學術疏曹一士

請復六科舊制以專言職疏曹一士

議時文取士疏乾隆三年禮部議覆

水利備旱疏晏斯盛

臺灣善後疏

趙士麟

理財三策疏

柴潮生

論孫嘉淦派令修順義城工疏

金溶

培養元氣疏

金溶

亢旱應詔言事疏

儲燮趾

途次見聞入告疏

楊椿

征邪教疏

洪亮吉

請飭督撫詳慎甄別以澄吏治疏

辛從益

統籌新疆全局疏

左宗棠

諫息兵罷役疏

徐賢妃

乞代夫死疏

張氏

乞代夫囚疏

張氏

疏下一

至言 賈山

上論劾王戎疏 傅咸

陳庾炳之得失 何尚之

出庾炳之爲丹陽尹 何尚之

諫高祖幸豫州 拓拔澄

上蜀川軍事 陳子昂

上蜀川安危事 三條 陳子昂

上軍國機要事 陳子昂

雍熙三年請班師 趙普

論彗星 趙普

論軍國機要朝廷大體 田錫

論邊事 田 錫

諫北征 張齊賢

請除非法之刑 錢 易

應詔言事 王禹偁

論宰執不許接客 謝 汝

論兩省與臺司非統攝 李宗諤

論靈州事宜 楊 億

論澶淵事宜 寇 準

諫幸汾陰 孫 奭

又諫幸汾陰 孫 奭

論天書 孫 奭

涵芬樓古今文鈔卷二十九

侯官吳曾祺纂錄

奏議類

疏上五

議封禪巡狩疏

任辰旦

頃者奉 旨。九卿詹事科道會議封禪巡狩二事。一併具奏。此我 皇上睿知文明。好問好察。慎重大典之盛心也。臣仰荷 特恩。捐糜難報。雖自揣原無知識。而此心不敢隱藏。竊以爲封禪之說。惟秦始皇漢武帝宋眞宗諸君行之。固猥陋無足道矣。若夫巡狩則顯載舜典王制諸書。及考之堯湯文武。其事亦未嘗概見。亦祇有虞以攝位舉行。與夏后氏塗山之會。史冊紀焉。蓋古者行封建之法。天子自治其畿內千里。而畿外亦皆諸侯分治之。慮不無議禮制度陰相紊瀆者。故覲后之日。卽取其律度權量正朔服色。與夫戶版之興衰。民情之向背。而正之別之。同

之協之。以審其畫一與否。此巡狩所以不得不行者。時與勢也。今天下一家。車書一統。皆畏懷遠路。梯山航海。莫不修我職貢。又三年大計。民生吏治。時時周知。並無有指臂扞格。煩我綜核者。況我皇上功德巍煥。聲教四訖。普天率土。人人奉一聖天子以爲治。是省方固與神禹齊蹤。卽垂拱亦仍大舜並美。揆於三五。靡不合轍。亦無關於巡狩之行不行也。且典禮重大。久廢之後。實同創始。簡略則難於觀瞻。備美則繁於費用。皆不可不熟籌而遠計也。竊見我皇上至聖配天。允恭克讓。卽東蕩西滌。大告武成。開闢以來。莫此爲盛。然且不受尊號。謙而益光。諒此二事。自有宸斷。調劑古今。與世咸宜。垂爲令典。特臣以區區之誠。思備採擇。伏祈睿鑒施行。

陳奏廣東緝盜安民疏

湯右曾

臣竊思粵地山海交錯。易於藏奸。韶廣一帶。舊有開採銅鉛錫等各處山場。聚集多人。比年奸宄之徒。潛住深山。數出劫掠。四五年來。各處村莊。多被擾害。而報者

少不報者多。蓋州縣善避處分。爭以隱諱爲事。上司慮難緝獲。亦皆容忍不言。以致流蔓叢奸。歲月浸久。百姓疾苦。終不能除。臣細查圖志之所記載。士民之所陳訴。督撫提鎮之行牌。文武員弁之稟報。大約北至始興。南至從化。龍門。花縣。增城。東至翁源。長甯。西至曲江。清遠。英德。此十縣中。千餘里。重山峻嶺。密林深箐。賊所窟穴。出沒往來。或分或合。或多或少。即如康熙四十八年十月某日。從化縣千總溫德芳。報稱花縣墩兒保田賊徒。奔往清遠地方。百部山口往大連地面。至漁仔潭。在高橋過河。經白河徑口。直至吉河。通接英德。觀音山。入黃花山各山場而去等語。此出沒往來於花縣。清遠。英德之一證也。又四十八年十二月十六日。長甯千總陳乾。報稱探兵羅先等。稱前去清遠地方。探流寇蹤迹。在白花庵大山。又潛竄至從化米鋪地方。經過。由增城仍飄花縣而去。此出沒往來於清遠。從化。增城。花縣之一證也。又康熙四十九年十二月十五日。鎮臣金某咨文內。稱龍門三坑山姦徒出沒行閒。官兵自龍門搜至增城。復自增城搜至從化等語。此出沒往來

於龍門增城從化之一證也。又康熙四十九年四月某日。曲江千總覃昌報稱賊徒由長甯苦茶山龍逕鷓鴣營左坑。飄往翁源至太平墟。復飄遁始興黃水尾豬龍坑各山等語。鎮臣施某咨文內稱。賊徒飄逸。由豬龍坑及荊竹斜。此出沒往來於長甯翁源曲江始興之一證也。督臣趙某於長甯千總陳乾稱在翁源縣龍均山嶺與賊戰案內。亦批平日並無防範查拏。任其潛聚出沒等語。前撫臣范某於龍門營守備羅文雄報三坑山案內。亦行文云。流寇曠日持久。東奔西遁。劫掠村莊。不一而足等語。鎮臣金某咨文亦云。花從龍增清英各縣連山疊嶂。宵小潛藏出沒。賊操以逸待勞之勢。官兵懷顧此失彼之虞。若不挾圍勦捕。縱經年行師。終無濟事。勞兵養寇。莫此爲甚等語。是賊之情形。督撫提鎮諸臣固已知之詳且審矣。乃遷延姑息。不行勦除。俾令驕縱恣肆。日甚一日。戕害人民。奸淫婦女。刦奪財物。擄掠係纍。勒銀取贖。罪大惡極。法所必誅。臣等於審理諸案竣事。六月十五日路由英德。次早卽入山相視荊竹園老虎藪一帶山場。據民人某某云。廿三日路

由曲江。次早復入山。相視黃山同火燒山一帶山場。有沙溪村民黃禎餘黃辰至。狀告本月十六夜有賊黨數十。明火放礮。破屋劫殺。合家男婦盡遭網擄。燒詐。指控銀三百餘兩。擒長姪黃兆吉燒死。焚去屍首。契券字資等項如洗。傷男辱婦。又捉十五人入山。勒取贖命銀一千四百兩。變贖不及。十八日又將姪黃永辛燒屍在山等語。臣確訪事真。至廿六日。臣自山回城。又有大村民賴上品賴上舉賴文煒在路喊冤。供稱本日早晨突有強賊三百餘徒。各持槍刀藤牌銃礮入村。捉去男子九人。婦女八人。家資財物契紙盡掠一空等語。臣詢之鎮臣及本縣知縣。俱各報明在案。伏念臣在東路火燒山曲江翁源始興三縣交界地方。視賊巢穴。而賊輒敢在西路大村行劫。是其目中幾不復知有官上矣。曲江一邑。十餘大盜。臣推皇上如天好生之心。刊示招撫。諭令自行報首。當請 旨安插。詎恃惡不悛。仍復颺去。臣竊計此輩賊徒。非勦卽撫。在今刻不可緩。而非勦必不能撫。伏乞皇上卽勅該督撫提鎮。於長甯翁源始興曲江英德清遠增城花縣龍門從化十

縣中各發官兵帶領鄉勇。四面合圍。焚巢搗穴。并勅偏沅總兵官。堵截桂陽宜章隘口。南贛總兵官。堵截龍南大庾隘口。以防奔逸。庶幾盜患可息。民生得宴。殄賊之後。令諸要隘地方。分撥官兵。防駐屯田。爲久遠計。并請 勅下部臣。嚴定處分。之例。勒限一年。若不勦滅賊徒。督撫提鎮。作何議處。庶法紀明而軍政肅矣。

綏定苗疆方略疏

楊名時

馭夷之道。貴在羈縻。服貳之方。務彰誠信。從未有怨毒猜嫌。而能久長甯帖者。貴州一區。多與苗疆接壤。生苗在南。漢人在北。而熟苗居其中間。受顧直爲漢人傭。相安已久。若生苗則本在深山密箐之中。有熟苗爲之限隔。常聲內地兵威以相禁戢。故生苗亦絕不敢萌窺伺之端。自開拓苗疆之議行。於是生苗界上。咸屯官兵。欲漸據其土地。干戈日尋。而生苗始不得安其所。官兵屯營之地。多在高山。水泉竭乏。百物不通。民運糧至山下。官兵接運上山。尙有二三十里之遙。勞苦驚駭。妻孥隔絕。而官兵亦不得安其所。百姓改折色爲見糧。又責令運送。費用數倍。終

年不息。且每被鈔劫。而百姓益不得安其所。至熟苗之苦。更有甚焉。無事則供輓運力役。用兵則爲嚮導前驅。軍民待之如奴隸。生苗疾之若寇讎。官兵勝則生苗乘閒鈔殺以泄忿。生苗勝而官兵又混行屠戮以冒功。此熟苗之所以愈不得安其所也。竊念開拓苗疆。本欲登斯民於衽席。而竟致官兵百姓。生熟苗民。人人有赴湯蹈火之慘。將何爲乎。其速禍激變。約有兩端。苗疆本未甯謐。而地方官遽言人盡抒誠。請加賞賜。生苗得賞者二三。不得賞者八九。失其本望。惡能無叛。加以熟苗勞重累深。全無賞賚。愈增怨憤。因而勾結生苗作亂。以至不可禁禦。又從前開疆拓地。止及古州清江等處。而台拱地方。猶在化外。自有司迎合邀功。輒云台拱苗民。願獻其地。以爲官兵安營立汛之所。上官不察。竟議駐兵。而台拱生苗。遂將官兵圍困。經兩次遣兵救援。悉皆覆沒。遂至侵軼內地。內地之兵。大半奉調移駐苗界。致使苗人得以乘虛而入。無處不被蹂躪。閒有就撫熟苗。又被武臣慘戮。賣其妻女。以入私橐。其脫逃者。歸告徒黨。賊志益堅。人懷必死。多手刃妻女。然後

抗拒官兵。苗民殄滅。者從來用。百人難上。其去莫可。懷疑懼。加。惟有下愷。要害處所。勿事窮追。人奮勇殺。生苗所劫。帖耳抒誠。

策也。

請定屬員調補差遣之例疏

沈近思

竊惟吏治民生。惟督撫是賴。督撫賢則屬官皆化爲賢。而一省之民受其福。督撫不賢。則屬官皆習爲不賢。而一省之民受其害。督撫之關係。非淺鮮也。我皇上精勤治理。慎選督撫。推誠委任。重以事權。凡督撫有舉黜調補之請。無不准依。任之至專。而信之至篤。凡督撫諸臣。自能仰體聖心。一秉至公。以行激揚。而大小各員。無不震動恪恭矣。調補一法。固量才器使之道。臣愚以爲去不肖宜速。而任賢宜久也。夫不肖之在地方。肆其惡政。雖一日而可懼。賢者之在地方。布其善政。須積久而後成。此如稂莠之生。必立時拔去。而方不支蔓。嘉禾之植。必深培長養。而後得成熟。今之督撫於地方屬員。往往有僅仕數月。忽以爲賢能而調繁。夫以爲賢而調之。則賢者正宜久任。使得展其經濟。竟其設施。小民所深望而最難得者。賢司牧耳。今幸得一賢員。乃甫及數月。未得成其善治。卽別調之。而更以新官。

豈不生小民之怨。而爲地方之惜。況仕只數月。所爲賢者未必果賢。冉求足民。亦必比及三年。孔子爲政。亦必曰三年有成。要在久任。而後實效可知也。臣愚以爲督撫有以屬員爲不肖而調簡者。應卽行降調。有以屬員爲賢能而請調繁者。除初選時已奉旨准調外。其餘必須任滿三年。果有善政可稱。并查實無虧空。令督撫開明事實。咨送引見。方准調繁。則地方收得人久任之效。而絕虛聲躁進之弊矣。

論開言路疏

謝濟世

臣聞政治在於求言。求言期於聞過。與其徧求諸有官守之人。不如專求諸有言責之人。而欲收開言路之利。且先除開言路之弊。夫開言路何弊之有。告密是也。古之帝王。冕旒蔽目。黈纊塞耳。惡至察也。語云水至清則無魚。人至察則無徒。自後世有密奏之例。小人多以此讒害君子。首告者不知主名。被告者無由申訴。上下相忌。君臣相疑。無論捉影捕風。將無作有。就令情眞事實。而臣子陰私小過。亦